

漢三黃公答與公人急附錄

一



集

知豐四平中妹歸

雙林博覽錄

咸豐四年仲秋鑄

雙桂軒藏版

一

鳴

集

縣主黃公蓉鏡名文登補鑄

敘

嘗讀劉孝標金華山樓志序

絢麗傑拔非常音所律其文

其人與地每神往焉今秋東

甌試畢登江中孤興眺綠嶂

山高唵謝客二詩至表靈物莫

序

首卷

賞蘊真誰與傳頌而慨以過石

門洞觀瀑布千丈倒挂絕壁飛

珠垂縷下瀉深潭自謂康樂

永嘉之游恐不逮此因與賓僚

論大謝詩善盡情態明若但工

其法律之精巖風極之峻特洵



是式齊梁而開有唐初盛先聲  
子月既望還至古東陽郡望芙  
蓉紫薇諸峯拍城上八詠樓有  
懷隱侯文章之美如柳下風  
東爽人心魄任沈並稱非皆以  
屏黜支離詭異而一歸麗則

序

音林

二

古乎校閱藏書學諸生以鄉先  
生何荇洲學博詩文遺集若干  
卷見示並乞序言披讀竟一夕  
蓋皆學於劉謝任沈朝熏其薈  
夕擷其秀儻所謂表靈蘊真  
以待傳賞者耶亟於撰述先生

長者貞嬪順孫之行誼尤復事  
 嚴語真於以知此邦人士論學親  
 師敦崇信義於何君之著作信  
 之而諸生之景揚前徽在遠勿  
 忘亦即以信何君端於取友而  
 流風餘澤所泝良多不徒嘉麗


序

首卷

三

漆之彬也

咸豐三年歲在癸丑嘉平月督  
 學使者德化萬青藜 謹



何荇洲先生詩文集序

蔡中郎經會稽高逸亭見第  
十六竹椽可為笛聞響聲曰此  
良桐也削為琴焦尾彼奚能然  
耶桐與竹人所知也不琴於人而  
琴於彼不笛於人而笛於彼者何

序

首卷

四

耶萬物宮天地間各以其材為人  
用而材其材者願不同將非心有  
獨造而神運於耳目之外而能善  
其用也哉荇洲何先生於書無  
不窺經史外諸子百家下至稗官  
小說固不涉獵為詩文咄嗟可立

撥其明艷庸峭屈曲與行鼎異  
斑駁旌旆森立孤凰自叫啞鐘  
復鳴黉蔗取汁櫟蟬出血深  
菁幽谷崎嶇窈窕不阡不陌非  
途非臨人恠而偉之然人知恠而  
偉之而不知其所以能然者何也

序

首卷

五

先生以名孝廉任教諭職閑而務  
簡性強識敏悟日以著述自娛年  
九十餘神明不衰其用志也專而  
致力也久矣以強且敏之神為專  
且久之功固日異見同耳異聞鳴  
節竦韻名適其職系而任之錯

而綜之觸類而長之陶衛乎詞場  
儀秦乎游國其誰能策焉吾  
郡駱臨海以文章齊名四傑詞采  
闕焉開盛唐先吾邑陳麻皮子  
詩文藻拔二十二年明月珠一牧豎  
於大澤得之先生儻其嗣音耶世

序

首卷

六

有知先生者琴乎桐乎笛乎竹乎  
運之以神而不窮村之而已

咸豐三年歲在癸丑仲秋之月

世愚姪李品芳拜撰



東陽江為浙之三源之一自大盤北  
運合浦東匯十指壑之水歷錦石  
鷺石不趨桃源仙門水奔赴自約  
源祛宜其流益大也桃源石小瀛  
洲地坦而平山高而孤吾師於  
洲夫子實生長於斯也滄桑更革

序

首卷

七

不常之厥居而都人主以過并土際  
赤漲新添爰董拂面波心豔月松  
雪山明徂細瞻眺書見扶輿法淑  
之氣篤生偉人宜呂以吾夫子之  
褒然涵起蔚為碩儒而瓊語玉佩  
大放厥辭為

國家鳴鑾於時也 夫子勿勿資稟

殊絕家以多藏書欣經酌史目數

十日握子山猿登乾隆戊申賢書惜

厲赴禮部試卒限一第而聲華藉

甚其鄉先生溪沙同年赴進士宦

宦流學博盧菊人鳳山拔萃樓蓬萊

序  
首卷

晉吾夫子蟠山明經何遠當皆當時名

宿也相與商榷古今稱莫遂交旋以

東名孝廉膺嶧邑唐石田大令幣

聘主講大仁寺義塾寓剡者久之修

越中應柳探昆季周雲屏張選

諸君輩分韻唱辭相得甚歡既而

仕唐昌垂二十餘年時則以若  
屈健菴萬寶齋于揚州府  
在國寅時則有若朱少僊樊富  
沙沈壬海李秋如吳梅梁司論海  
安履任往來贈答今集中問君存  
者而少僊以吳梅村稱牧齋况其討

序

卷

九

後尤屬知音迨其老也謝事歸里  
門杜絕世務懷鉛握槊惟其楮墨  
為緣馬亡去雖曰相接積累遂多  
而不以矜惜脫索後綴素玄或聽  
人携取殘膏剩鱗千百中不什一  
存壽編九十百二已百首喜條傷

春顏今已老  
六年笑去點  
族子某  
某等恐曩  
在澤口就  
漁海搜  
輯家藏  
贖稿并  
山悍東  
西博訪  
網羅散  
在得討  
古今體  
共若干  
首  
傳文  
襍著  
共若干  
首  
滿  
不才  
讀

旬贈  
之  
好  
幸  
如  
親  
鱸  
席  
整  
款  
時

序

首卷

+

問  
馬  
之  
頭  
謀  
授  
削  
原  
氏  
憲  
緒  
繼  
不  
副  
謹  
做  
我

朝聚  
珍版  
程式  
命工  
刷訂  
百餘  
部  
藉為  
藍本  
散給  
志交  
隨存  
諸  
戚友  
厚誼  
及于  
姓中  
之不  
吝指  
者  
漏慨  
欣助  
遠  
頌  
發  
語  
黎  
庶  
為

鄉先正為典型於不墜其討編以  
年久遠其類訂正之訛俾井並  
次第以付梓則後文學曰若棠曰  
械頑曰治昌曰信潔咸而有力焉  
因思吾 夫子以宏通淵博之材富  
且典籍其流溢於毫素者歎嗟

序

首卷

上

卷矣隨風生珠玉矣囊得句追  
執唐音久矣擅聲譽於宗匠而  
傳序銘記等以扁古節古音歲  
敷運世恆存無懦細音橫忠碧  
硬亦氣態古地循以數墨家所能  
學步柳鄭窺竊其形似者矣玉其

政績文章之為遺於邑邑吾宦游其  
地引其地之志乘在詎容以臆見謬  
為推測哉

咸豐四年歲在甲子二月既望

受業王

瀚頓首拜謹

序

首卷

上



Handwritten text in vertical columns, including a large seal impression in the center. The text is partially obscured by the seal and appears to be bleed-through or faint ink from the reverse side of the page.

荇洲先生傳

小瀛洲里有淵博名儒諱豫字亦怡稱荇洲先生者性廉  
儉遠於學與世和而介意量曠如也先是宋始祖助教郎  
自發來東繼世太傅公徙南湖嘉泰中諱遠者官瑞州提  
舉諱夢然者官參政勲名志節亦載志乘諱公瑾公避元  
不仕遷菱塘曾祖父諱瞿邑庠生卜居小瀛洲大父諱璇  
國學生皇考諱錢郡庠生世積陰德深於耳鳴先生垂髫  
時幼慧異常人卽方之何平叔五齡皇考手錄唐宋古文  
教之口誦如流兼知詞義十一歲讀左氏傳卽能以傳翼  
經解釋音韻曉休文彥倫四聲襄尺旂旗分如水犀初受  
一鳴集

百卷

一

業於樓抑齋韋敬亭兩夫子獨有所得十七從李莘湖夫  
子遊教最嚴勗之以強毅方學駢體組織爲文語如不從  
人間得來或省親月餘歸濠思大進詞氣泉流李語及門  
曰此讀書種子若輩無作稽康呂安之嗤也饒州彭雲楣  
爲天下大文宗督學婺州錄取博士弟子員與錄者皆名  
士越十年舉於鄉登賢書宋祖太師公墓近寶山寺側有  
侵而據之者邀叔祖遠堂先生自於官返其地負郭田舊  
售諸人者曾自納其賦歲庚子蛟發冲觸幾盡先生布冊  
力申無後累朝夕營謀嘔血殆甚俟平復乃遷南湖之舊  
宅宅有屋數椽常匿脂夜妖憑人作祟先生啟扉入修葺

更新無異狀居數年歸故里丁先妣憂尋復背皇考讀禮  
家居一以獎進後學爲念課讀燈餘泫然長嘆或問之曰  
受父母教育而後至茲艱難不似吾人與小異也  
贈典不及親何以稱子職遂北上銓教職任昌化學諭與  
諸生相切劘二十五年號廬江一老諸生初進步者不以  
方冊費計多寡嘗修理

文廟及土地祠出已囊不資於人隣水屈明府健菴初莅  
昌知司諭公餘酌酒論文幾不知飲食之誰爲主也明府  
卒宦橐一空妻子孤寒爲營喪葬構一祠命胥隸祀之後  
告假復任詣祠蝕於風雨者半諦視唏噓夜夢明府曰君  
一鳴集

自卷傳

二

不來吾其餒而乃復爲擴祠三楹增若干田額以歲時之  
祭姚江朱少僊已酉探花朱蘭父也爲先生同年友任海  
寧學正嘗赴杭約博一飲歡二人儉朴與同集中春城兩  
布袍句志實也年七十五乞歸田齋居獨坐手漢書一編  
間或著錄亦不示人里隣有借貸者相其緩急與之不問  
直也妹氏歸於潘早寡一子邑庠秉熊先卒家落無所依  
先生周之并及身後事幸無忽諸之痛有貸而質以屋者  
貧不能償焚其券至歲歉家窘不以告人與少長處不弛  
其敬笑談中多雜以詼諧玩其意皆針砭後生葯石也年  
九十二歲豪於酒從未見醉容飲食多人以水謂永得清

味耳著有明史補數卷南金礪石數卷現存者一鳴集數  
卷有問以經史及諸子百家言答如響應人多驚爲博學  
之儒夫先生也豈區區以學鳴一世哉娶城北徐氏舉一  
子適以李舉四男生於乾隆戊寅年九月二日寅時卒於  
道光己酉年正月二十七日丑時卒之前七日不飲不食  
仰臥無一言三子聘會慮不起割脣肉和羹以進先生頷  
之撫其掌畫一丑字計頃目蓋丑時也先生於 國榮家有  
連嘗得親炙塵誨敢以所知者不辭謏謔謹叙次爲傳云

姻世姪李國榮栢東氏盥手撰

一鳴集

首卷

傳

三

九秋徵詩自序

廬江一老自類莊樗惠瓠天畀我官骸奔走羈栖不克展  
其用髮絲絲垂白左右車齒落飯一杆沃以井泉或有時  
醉酒丸墨欲磨人擬送五窮塗鴉點竄以朝以夕悠悠然  
計此生已九十也憶年五齡先贈君手錄李白春夜宴桃  
李園序韓昌黎祭鱷魚文李密陳情表適舅家受業敬亭  
韋夫子一年易詩書已遍年十一樓抑齋我從祖姑丈翁  
也授以左氏傳曉沈約四聲鈎章棘句範以繩尺是年冬  
就縣童子試知廬菊人年十八李莘湖嚴師也嘗曰鵝湖  
鹿洞有教條詳已能彊毅可底於成又曰學駢儷司馬公  
一鳴集

首卷 自序

不爲汝願爲之乾隆己亥雲楣彭夫人校士浙水東與趙  
苗畦淦圃吳香泉輩錄置門下在乘驄鄉久之戊申與秋  
薦在剡中又久之鄉先生陳玉井葉粟垞李泗溪樓平江  
曩嘗名重有答問不惜牙後慧於時徐芸局盧霽堂秋槎  
又踵起甚盛己嘉慶初病幾殆辛酉背母氏尋背乃翁不  
及事親冀得

贈典以爲閭里光戊辰館都城周司馬之蓮香草綠軒銓

教職任唐昌計前後二十五年與諸生相識若而人明府

屈健菴

鄰水人

萬實齋

江川人

于揚軒

金壇人

克供困乏同事若

朱少僊樊寓沙沈壬海李秋水吳梅梁袖刺相往來殊自

得也吾先世自唐會昌澤州遷發宋政和徙南湖景定邑  
城東門外元至正宅菱塘高曾以下有聚書薄田爲風雨  
蝕去隔一溪庇數椽無定所幸諸父兄經紀柄一枝娶於  
徐於李男五孫一人老成凋謝行輩鮮有存者歸歸然僅  
一老已著有一鳴稿明史補數卷俟瞻清就正知我者辱  
賜一言乎珍之爲拱壁可以壽世矣

一鳴集

首卷 自序

二



一鳴集卷一 自序  
一鳴集卷二 自序  
一鳴集卷三 自序  
一鳴集卷四 自序  
一鳴集卷五 自序  
一鳴集卷六 自序  
一鳴集卷七 自序  
一鳴集卷八 自序  
一鳴集卷九 自序  
一鳴集卷十 自序

家苻洲先生耽吟咏不自畱稿茲集隨見隨錄得之諸友散帙及所書通家屏帳者十之六七繼又於先生舊篋中細加搜討漸次鈔謄獲成全帙前壬子秋仿詩聚珍版式刷印百餘部廣求訂正蒙諸世交盛情懇懇謂前輩著作宜鐫梨垂後不揣庸鄙欲按年編輯庶幾閱其詩可知其人所歷之遇并知其詩所造之境瑣瑣管窺恕不自量

彙選分體專集編年由來定例先生所著稿且不自存

年於何編然讀其自序一篇知後先閱歷與諸友唱

一鳴集

首卷 瑣言

一

酬微有脉絡可尋且詩中散注題下標箋間有自署甲子者至歸林諸作幸侍塵誨一一示知縱未克逐篇細較第就其初年中年晚年所著者鱗排雁次畢生大畧已見一斑奈資性鈍頑考覈數十過謄寫三四番而鹵莽舛訛之病苦不自知尙祈閱者垂示

詩編以年而文從其類於例亦宜茲集編詩外首次以書又次以序以引以跋以記傳而說終之於各體中仍視題之巨細參酌文選體例以爲排比至駢麗一體位置宜在散體後以篇幅不均爰彙四言爲一帙

而釐爲上下二卷云

先生發光匿采雅不欲以著述自見故未獲名公鉅儒  
鑑定甲乙間遇知音如李莘湖夫子暨朱少僊戴東  
瞻諸名輩品評持贈一字一珠附載分註以志賞識  
先生資性超雋學問奧邃經用雲山枵腹人何曾夢見  
鈔寫傳訛辛亥亥豕均賴王雲波夫子偕李相東張  
春珊諸先生繙閱校正間有疑義俟博洽君子更定  
鈔胥家依樣葫蘆何敢妄參一字貽誚金根

前聚珍版有見輒收援爲就正藍本茲刻憑文採擇悉  
遵宿學老先生裁定間有未及備錄者束之高閣俟  
續刻登載

一鳴集

首卷

贊言

二

讀自叙篇是集外又有明史補讀上遠堂叔父書云有  
南金礪石今檢藏篋零篇剩紙多耗於蠹搜求完璧  
十無二三諸世誼家或有傳寫鈔本出示一編再謀  
問世是誠厚望

先生素不治產宦橐無餘捐貲鐫版固先生締交之舊  
誼抑諸同志曠義之雅懷也集數卷或專刻或合刻  
每卷尾鏤書姓字以志銘感

家後學

栢棠

治昌

其燦同識

其濬

鳳山樓錫琪賞鐫

一鳴集卷之一目錄古近體詩二百五十八首

書蜀志諸葛丞相傳後

擬謝靈運游赤石進帆海

山中寄吳香泉

秋杪思家

訪郭履升兼過趙訓昭

題達摩隻履圖

過漢陂不入聞同年趙蒞招余詩以答之

贈內

讀陸游傳賦十二首

秋日寓山莊

同諸昆弟穫稻

伯兄食新

夜過玉女亭

上元詞

和毛公壇餞行韻

渡黃河

露筋祠

一鳴集

卷之一目錄

一

宛州南樓

宿毘陵驛

項羽墓

淮陰釣臺

望闕忻然作

出都城

舟中望岱

自都城歸途中作

示刺中同志

缺題

擬韓昌黎石鼓歌

春日之石磻郭家

題蕺蘭齋

建昌十詠

越城有感

宿越中

蓬萊閣二首

宿延慶寺

延慶寺夜酌

觀曹娥廟龍舟

驚梅館醉中

剡中憶蕘獻兒

湖山春霽圖

應芝山寫真

訪應鄉媛歸宿驚梅軒

寓郭倬亭家有懷

贈周雲屏

書李屏藩清潭詩稿後

慰邢西塘臥病溪館

偕潢湖諸友秋夜醉中歌

訪郭大履升

寄懷郭丈立三疊前韻

贈郭允廣再疊前韻

贈郭筠軒三疊前韻

答郭冶亭四疊前韻

酬俞蘭達五疊前韻

再酬俞蘭達六疊前韻

短至前贈應鄉媛八首

歸家

恭紀

一鳴集

卷之一 目錄

二

詔建故明兵部尙書武英殿大學士忠敏張公祠百韻

寄酬應鄉媛

次應鄉媛韻奉酬

揚州夜泊

管仲三歸臺

下韓莊開

泊宿遷

贈新安孫逸泉

節孝張氏詩

南旋宿驚梅館

偕應盧訪張運谷

驚梅館三首

歸家

題趙香沙先生遺照

春情三十首

秋日懷趙苴畦

達摩隻履圖

春城志感圖題贈韋大

酬王復且原韻

憶芹獻兒

趙果堂先生六句

哭芹獻兒

示蕘獻兒

書宋勅都土地祠畫屏首四

寓金盤寄酬應蘅香八首

示金盤同學

宿烏傷四十里舖

新河口除夜口占

車中

徐州道中

泗水橋

臨城驛

九月一日有懷

九月二日

舟中懷王掄奎暨律時

歲旦作

寄同年趙苒畦四首

秋夜寄贈峙幹

詰盧以建不赴秋闈

一鳴集

卷之一

目錄

三

秋夜方治泉畱酌

七月二十七日志感

讀蘇陸二詩自遣

初至安溪蔣

蔣家十景

蔣母章氏節孝

臥古松下

憶方巖舊游

秋夜憶天台舊游

志感

蟠谷二首

憶太平館招盧霽堂

懷盧霽堂集李白句

趙芄園先生七句

續遺

秋杪刻中早行示俞倬

贈內

一鳴集卷之一 齊樂念思 盧 燮輔廷

參訂後學李國榮 樓錫琪 曙霞

黃葵東何 豫苻洲氏著

從弟 秉謙牧堂

同校 再姪孫其燦星植

詩 貝關天賦其地故其心

翼漢風雲起依劉日月高品題仍管樂籌畫失蕭曹賦畝

新鷗語邊疆汗馬勞顛危民未粒狡獪盜如毛守府誰遷

鼎孤軍自奏刃勒銘寒海碣飛檄定江濤繼序柔應惜營

施袞已褒臥龍無恙否沔渭水滔滔 余讀三國志有王靈能秉鉞戰陣可垂囊

一鳴集 卷之一

句及書諸葛亮傳忽易以守府誰遷鼎孤軍自奏刀竊謂責君難不如厲臣節之爲得也因附記此

擬謝靈運遊赤石進帆浮海二首

山海有夙緣遇物誰可歇衆鳥自飛鳴游魚競出沒每向

夜捫心有時朝稀髮雲生石島寒雨霽風帆發納納見乾

坤滔滔任日月倘許謝簪纓誰曾戀甌越採藥泛蓬壺探

珠天貝闕天涯甚渺茫此心詎倏忽盍學耶曼容翛然不

自伐

薰風當夏初未及春事歇莎堤黃犢馴海岸白鷗沒絢爛

聚雲牙披離見石髮一宦已從遊清晨可再發疇將測海

蠡屢對東山月濠梁念惠莊同舟悟秦越有口鄙懸河臣

心許戀闕地軸信盤旋天倪見杪忽蓬島問神仙鎔丹自洗伐

○山中寄吳香泉明杰

獻約思君日題緘故我心一燈懸夜雨孤夢枕秋岑宿世

疑昆仲論交憶古今桂亭如有約時吳在雙桂亭尊酒對鳴琴

○秋日訪郭履升兼過趙訓昭畱宿郭夢余宿世姓名久乃飛去云云

幾度憐風雨溪亭向晚開樹隨山峽轉人自水邊來杵臼

交雙壁蓴鱸戀一杯得名身後事宿夢漫驚猜

秋杪思家

亭臯落葉板橋西煙靄蒼茫旅思巡學禮尙容疎定省歸

一鳴集

卷之一

二

家曾爲任提攜畝緣竹箭清溪近在蓬萊碧嶼低余家練水

地多種竹其東有蓬萊山乍憶戴顓罵未嘖偏教仇覽鳳還栖十年索

解亡詩軀三徑離愁遣酒羹塵事滿天應夢月素心如水

可懸犀無端物序驚遷易幾度秋聲失品題况復綺窗風

雨夜一燈一榻亂鳴雞

題達摩隻履圖

天竺泛滄海草履精靈在足下六龍驚梁帝焚香待不契

上嵩山西域采雲還茫然望祖師一去有無間

過漢陂不入聞同年趙蔭畦招余詩以答之

有鶴栖蓬萊去天云尺五軒軒不可卽而復兼風雨憶余

過君時鐘然記里鼓是日有鼓聲岑參在漢陂睡起踰躄舞遙  
憐羈旅人強飲非吾土曾否學邯鄲振衣紉蘭杜

贈內

一自陰陽定生成汝有家乍思貞似雉猶憶夢惟蛇旨蓄  
憐葑葉嬌容讓舜華輦來襦尚結面在玉無瑕涸鮒勤提  
糞縣鶉勉績麻屢屢徒慨息巾幗用柔嘉但樹忘憂草誰  
邀解語花惟時杯茗急笑指墨塗鴉

讀宋史陸游傳并渭南集劍南集賦十二首

石帆天鏡會稽城報國文章壽世名弧矢憶縣淮上雨宜  
和日記對初晴先生自注宜和乙巳十月十七日生於淮上是日雨甚遂露焉

一鳴集

卷之一

三

繩武先聲尙魯墟葩經香草雅蟲魚王師未捷勞奔走三

載吾東課讀書

居東陽安文陳彥聲家三年

雒陽宮闕久風塵薦剗爭知第一人相國有孫空傲睨夜

光按劍嘆無因

本傳鎖廳擢第一名秦檜孫墳在第二後顯黜之

一官簿領遂沉迷吳楚征鴻印雪泥肝膽盡輸言事切謬

援張浚乞歸柄

春城射雉聽鳴弦隴月巴雲市九年得范石湖尊酒夜此

生知已更誰憐

朱云好與會

梁益歸來鬢已絲鏡湖煙柳水參差先生豈便漁竿老又

過仙霞譜荔支

朱云風調絕似晚唐

咫尺天顏一再徵南昌奏事速嚴陵杏花春雨傳詩後鐵  
馬黃河夜踏冰

朱云悲壯

建安南渡枕江聲禾黍秋風奈兩京遺老閒然殘淚落獵

圍夢蜀起談兵

天門映蕩聽嵩呼夜見王曾九域圖骨相不佞心一縷雲

屯汗馬議遷都

魚鱸香菰酒滿船希聲史館影宮磚

三八史館五宮祠

鼻端有白

酣春睡不鄙南園閱古泉

晚年爲韓侂胄作南園閱古泉記

冰銜垂老及孤臣慣賦梅花餉一貧錯落劍南牛斗夜短

筇蓑笠見天真

一鳴集

卷之一

四

鷓鴣鷗沙近海天牢寵富貴謾神仙塌來夜雪幽陰道葑

火燈青事宛然

秋日寓山莊

畎畝歸田日村莊近市家峽雲松翠滴山雨竹筍斜瞥見

繁生齒遙驚隔歲華

余自辛丑過山莊今已七年

苔堦仍蟻穴繩牖亂

蜂衙婦少嫺春粟翁癯任買瓜一尊頻愆息終食尙伊啞

露積盪阿曲霜砧度水涯嘯歌吾輩事夢管已成花

秋日懷泉公山房同諸昆弟穫稻

雲龍靳不雨天意將何爲七月收稻梁豐嗇茫然推夜柶

打頭屋逼仄支牀龜先人二頃田藉以舉火炊物情惡盈

滿瘠土畱山陞秋初奈不粒銖兩何窮追痛陳救荒策或  
者天聽卑蒸瓠亦鵝鴨一飽當語誰

中秋夜伯兄食新

余四齡伯  
兄析居

吾兄足弱行少壯愁傾踏終歲臥蓬茅屢聞長嘆息

兄年  
三十

餘足疾  
乃夢

典衣囊橐盡邶嫂空蠶織昏男復嫁女廩庫風霜

蝕斗覺五六年西疇知稼穡未敢荒于嬉卒能食其力曾  
前明月來爲爾歌千億

夜過玉女亭

舟聲嘔軋水鱗鱗隔住青溪喚渡頻秋月祗縣遺佩處歎

歌尙有未歸人

一鳴集

卷之一

五

上元詞

余族宋咸淳初居城東  
門外元元統初遷菱塘

元元統初吾族遷咸淳石馬馱不前正月半燈出巷口願  
燒龍尾飛上天

撥金打鼓木樨圍星橋犖确來蛇蜿一鱗一爪燭龍夜龍

頭那曉漢邠原

菱塘簿帳三百家阿弟喚哥兒喚爺大姑長袖帖肩背小

姑攙前頭插花

東鄰西鄰酒滿缸欲眠不眠爭擊撞金釵燈了長蛇起儂

得芝蔴餅幾雙

族有金釵  
長蛇二瓜

和毛公壇餞行原韻

絲綸額俊開崇文燕冀蕭蕭顧馬羣月館曉寒平地雪風  
帆春展渡江雲趨庭夙夢扶鳩起脫穎知交惠蔚芬每日  
計程

皇路近一枝杏雨更思君

渡黃河

天曙渡黃河於時眠未起有頃問舟人片帆二十里風波  
轉帖然一掌平於砥人壽定如何此心終未已

露筋祠

秦郵有女以節死不傳其姓傳其人米寶晉齋始記實碑

詞剝落清淮濱鹿筋露溼尙聚訟

祠一作鹿筋  
一作露溼

問誰尸祝

一鳴集

卷之一

六

義未陳青溪小姑倘相識汝無郎兮彌苦辛

李莘湖大  
子云老勁

亮州南樓用杜少陵原韻

一再瞻東魯城闈月上初此邦羣俎豆吾道向淮徐杏雨

春暉澹梨雲醉夢餘南樓思定省馬首尙踟蹰

宿毗陵驛

楫柁鑪煙飯一麻輕舟蕩漾賣魚鰕郵籤忽報毗陵驛兩

岸殷紅夜合花

項羽墓

咸陽烽火騎聲騰一劍鴻溝事未能墓石有靈容酌酒城  
煙欲墮已篝燈較耕發難悲陳涉垂老圖功失范增成敗

論君吾豈敢拔山益世記猶會

○ 淮陰釣臺

城郭瀆淮竹一竿荻蘆瑟瑟水漫漫俊雄情餓籌兵志軍

國艱危拜將壇終古忌能偏受爵至今餘韻獨加餐臺西有漂

祠母漢高豐沛還祠日擊斂歌成風雨寒李莘湖夫子云不說破處最得體

已酉三月十六日望 闕忻然詩以志之

鳳起瞻雙闕息趨効一鳴飲和仍

帝力敷教治輿情帶礪含終古車書繪太平信知天咫尺

歌頌更無名

○ 出都城七十里張灣下船

一鳴集

卷之一

七

燕趙歸來日風塵我若何夢游鸞掖近行篋鯉緘多柳港

搏沙磧蘭橈篆水渦故鄉天盡處尊酒起吳歌李莘湖夫子評云實

事實情一洗發便成絕調

○ 舟中望岱贈金谿朱嗣韓

板屋濱河滸牙檣樹柳陰枕流饒倦眼歸夢阻遙心沃野

交齊魯名山憶向禽一尊風雨後我欲繪丹青

自都城歸途中賦此

夜館依城闕晴沙捲石郵空羣能相馬養拙共晴鳩慣見

饒燈隱終疑卞璧收東南天盡處五月有歸舟

春初示剡中同志

嶽邑宰唐石田更大仁寺東爲義塾辛亥歲落成聘余主之

麗澤抽書帶名山印雪泥築壇千嶂碧環堵一肩齊夜雨  
鳴蕭寺春雲漬剡溪故吾緣敝帚曹輩自成蹊殖學勤鞭  
策掄材獲品題地分珠斗北人在石橋西宿夢迂鱸兆疑  
忱忝鳳栖陡然從隗始投贈失筌蹊

闕題

玉井攜仙藕金鬢計釀柑臣心紆硯北夜氣藹弧南杖屐  
趨庭暇鬢眉拭鏡涵雲龍天浩浩萬里憶歸蹊

擬韓昌黎石鼓歌

用原韻

岐陽獵碣磊磊者韓公乃爲張藉歌我車旣攻我馬同貫  
之以柳魚維何周宣繼世復境土以文經緯武止戈古者

一鳴集

卷之一

八

天子不合圖春田倚角爭漸磨山林藪澤事搏獸選徒射  
中虞張羅熊麋有力虎肉腩風聲獵獵山岷岷功成勒石  
輒誇美當時歌詠殊卷阿文章不朽鐫之鼓黃金參錯神  
物呵剝蝕星霜字殘缺空摹紙章疑傳訛論者力排史籀  
篆其書非隸形非蝌烝波淖淵處鰓鯉阜魚鱗鱗網漏鼉  
魏周蘇綽擬大誥樛材偏埒珊瑚柯志怪亦言魏榆石沉  
淪一躍陶侃梭我周諸侯豐鎬東汧岐曠隔路委蛇補天  
斷石女媧氏太行王屋肩夸娥求魚乾谷渺何許江流爲  
汜潛自沱岫嶼雲虎嶧山火石經苦縣鐫光和或云石鼓  
屬西魏與秦斤權更異科其文四百六十五惘然不辨猶

繁多風塵遺毒重嘆息幾使荆棘埋銅駝鄭餘慶者始置  
廟大祈祇肅旋經過垂數十年得至寶匠心攻苦鑪錫磔  
向來聚訟每蠹起淄澗淆亂沿餘波我朝釐定衷於一橋  
門十鼓無偏頗至治馨香謹抱蜀定以甲乙耀自他拜手  
稽首讀一再用蠲泐忍羞媿姍姍工束手已骨立誰與考  
擊徒摩抄書殘簡缺去古遠蝸涎垂篆蛩吟哦竊鄙馱經  
譯白馬迥殊掘地飛蒼鵝舜益地圖禹鑄鼎編書無逸頌  
有那儒生好學克自樹敢以鬱塞辭坎軻春蠶夏罔風雨  
止仰見賢路明秋河都城奔走田稽古疇令歲月空蹉跎

秋杪劍中早行示俞倬

時適俞王家

一鳴集

卷之一

九

欲曙歌行邁他鄉計遠遊路歧旋問僕衣冷似關秋穀霧  
衝驢背煙波泛鳴頭詰朝歸得得爲我少羈留

春石之石佛郭家

是日雨雪

春雪飄盤輿欲住刻不暇吾道從東來舊游隔三舍  
在大  
仁寺隔  
三十里是時月旣望閭里然燈夜光芒寶劍篇樽酒薰蘭  
麝

題菽蘭齋

明月映數椽秋聲入涼夜可憶菽蘭人十年猶未嫁

劍西建昌十詠

驚梅軒

茅茨斷數椽橫經而枕史夜月度金山扁舟泊楊子  
風門洞

有風泠泠然尋之向洞口相憐麤蛇造物終何有

崑溪橋

顛風浹日雨舟楫茫無濟虹飲石梁成郵籤已弗替

石柱潭

秋潭啟一盞其下可悉數弗事溫嶠犀天光沉石柱

萬金隄

龍湫怒漲號欲蝕長隄圍黃雲罷樞村知是鎔金處

雙梧園

一鳴集

卷之一

十

秋涼疎雨聲秋雨聲雲裏鳴琴一再彈庭堦下梧葉

宿鸞磯

溪泉浹口鳴濺七玲瓏石黃昏鷺不飛山月照寒碧

騎馬石

石馬崑溪頭趁趨鞭不起懸金買駿時爲爾志千里

鳴鳳山

有鳥丹山來一鳴雲五色文章惜羽毛不知鳳皇德

躍鯉池

南溟又北溟前路今何許擊水問魚龍一夜來風雨

越城有感兼贈邢炳勳

荀籜煙低聽轆轤山城幾日共樵蘇營然一飽吾何事欲  
買扁舟入鑑湖

宿越中

城郭環無際浮生付一毛竹牕鳩雨立松寺燕泥高愛我  
加餐飯呼奚解浣袍比來歸計拙淹久日滔滔

蓬萊閣二首

石磴凌虛鳥蓬萊十五壑斷虹山郭雨浮鷁海門濤有望海亭

氣澈咸英奏聲希咳唾高再遊驚歲隔甲辰適越今已八年觴詠揖

仙曹

尺五摩天閣松聲兩腋間故鄉吾思切仙吏宦情閒島嶼

一鳴集

卷之一

十

空煙火樓臺引珮環越吟會似否相誤認何山越中有何山晉何允

居之

夏四月同友人宿越城延慶寺

卽次蠡城夜呼船載酒肴寺寒翻臥起尊盡憶知交宿雨  
分蕉葉懸燈近竹梢祗疑來島佛門外尙推敲

延慶寺夜酌

竹寺依城風雨天香醪一醉夜茫然撥爐芋火今何在相  
業從教領十年

五月二十有五日常觀曹娥廟龍舟詩以弔之

雉堞關雲壑龍標度水門殉親曹女廟今古一招魂脫旦

雷彞典河聲咽淚痕畫船雙槳急蘋藻酌清尊。

驚梅館醉中

王謝烏衣玉樹枝煙雲欲暮雨絲絲菊觴梧葉驚梅館一

枕溪聲酌酌時

刺中憶蕘獻兒

六歲兒蕘獻春和命讀書夏時殷轍旬紀憶近何如

夏時殷轍

章先己成誦

式穀非雛鳳警牙自魯魚刺中吾累月應曉問歸

與

湖山春霽圖

石拜岬嶂啟湖明藻繪涵臥遊資麗澤環眠拱晴嵐肅穆

一鳥集

卷之一

士

寥天一馮閣闕徑三鹿門盤島嶼絃室近淵潭谷飲松雲

漬厨炊葦露甘井盧誰共適坡市未曾諳賀監歸程邇莊

濠午睡酣狎沙鷗湛定祈社燕呢喃水泐菱蘆艇春懸荔

薜菴繪聲隨雁鶩餘滓飽螺蚌墨濺曾疑碧毫飛欲染藍

匠心紆硯北塵夢隔江南習坎緣虛受重扇可牛含地偏

尋郭杜家在種榲桲杖履安仁壽煙波接笑談翠微馴玉

犬鳥几拭冰蠶被濯思移棹登臨問解驂宦情蘇軾遠模

範郭熙耽豹隱人何處鯤圖事已堪故園疑咫尺楊柳絲

經綵

應明經芝山寫真圖

燭日鎔金冶帷天啟石壇典型垂閨越應先世自葵教湖

應韓余自韓改何

睿詔綠耆壽人文式又安雨疎槐蔭碧煙繞竹聲寒息踵

思貽穀尋適自考槃花磚樊重第玉井葛洪丹鷹鷹翎初

展魚魚珮已珊度筵曾有翼觴詠得斯千橘實傳經訓椒

聊雜綺紈墨融裁鳳紙雲暮倚虹竿苜鼎容三沐齊竿笑

一餐應時招飲

習池波影動仙液露華溥杖策依蓮幕揚

舟渡蓼灘未須蓬鬢改猶憶匠心難發篋旋搖郝披襟可

憑肝來賓從庾臬市義祖馮驩肅若閑家政翩然蔚國觀

梓庭時問鯉瑤島集鳴鸞繼序勤謀始勲名預肇端更疑

一鳴集

卷之一

三

圖畫史盤溝向芝蘭

訪應娜嬛歸宿驚梅軒寄贈

石篆盟鷗渚霜蹄繫馬廳清寒松益碧臘破柳痕青瑒據

蒙交契娜嬛憶海暝漏壺傳吉亥游刃解庖丁紉纒歸雲

壑嬋娟倚月亭楊閒徐穉臥垣隔紀瞻聽膳宰司羊胛醫

門帝豕零有時吟絡緯相與化畦町鼎鼐絨雙壁弓裝枕

一經柳嬛昆弟以詩禮命名

尊開鷓鴣舞鏡湛鳳凰銘似我憐浮梗

憑誰効舉廷蝨輪搏勁矢蛛網織疎櫺玉液涵詞藻金鑿

忝說鈴巖書未覲臧盾酒初醒鸚薦思鶯谷鯢圖問鯉

庭路歧畱鄭驛帆飽任吳舫宿夢遐觀海他年幸聚星繫

維緣贈策言笑至忘形別袂煙波起尋蹤雪夜停再傾家  
釀否風雨近南溟

驚梅館贈周雲屏書

雪艇蘼蕪岸冰甌琬琰心欲歸蓬島客

余舍前有蓬萊山

來伴越

溪吟臥榻驚梅館清尊酒桂林

館中桂林一枝

得君煩暑釋期我

曉寒侵石冷昆吾劍瑤函郭隗

金蘇封窺蟻術茵累藉鴛

衾鼎俎文章伯珠璣咳唾音

周出趙截圍樓逢萊門下

素懷頻則古塵

事敢非今月射醺猶綠煙消突未黔憶家能破壁無夢許

捫參拔戰循河曲

酣戰爲周所困

忘機適漢陰燭然環珮急幃隔

綺牕深但使尋張祐終誰信展禽薛裳紉蕙畹蓉鏡念著

一鳴集

卷之一

古

簪旅次交懽忭淹畱見惻忱馬芻鳴阜樾魚藻躍蹄涉日

馭偏馳驟霞軒或賁臨淪泉松籟起飛鳥寺鐘沉網結珊

瑚樹樓高翡翠岑更疑重鼓棹相與共題襟

秋盡夜寓郭明經倬亭家有懷

宿鷺團沙際鳴蛩近石根夜涼梧葉雨秋盡菊花鱗海岱

三年隔弓裘一綫存願償歸計早我亦戀晨昏

書李屏藩前輩清潭詩稿後

磊砢涵虛鏡山靈護曲阿蔚文傳虎豹摘藻起鼉鼉岸仄

家偏邇天空墨未磨謝鯤尋貌得韓象馭輪過學習思塗

蚓書成笑換鵝石交風雨後囊貯水雲多夢管仍瀟洒瑤

尊自醉歌老成邕識面詩力近如何

邢西塘司直近自杭歸臥病溪館賦十有二韻慰之

橐籥涵天際春和湖受形海門雙槩急溪館一燈青夜雨

寒飄五仙風迥繫鈴松醪酬未舉檠社夢誰醒玉女偏憂

戚金人已誌銘邢病葑鑑遵治杲東叵李杲專治脾謂泥

錘疾呼伶愈瘡慚詞賦尋丹計晦貶鯉緘投白紵前在杭

來鵙顧誦黃庭尙霸曾威越偏師許救邢珠光疑貝闕石

髓闕巖肩養木餐鷄蹠冲霄愛鶴翎倘逢司命錄相贈衛

生經

潢湖諸友秋夜醉中歌擬杜子美飲中八仙歌體

一鳴集

卷之一

五

汾陽郭氏家雲連撚鬚抵掌開瓊筵釣竿甫得魚忘筌有

客宿宿爲烹鮮立三美人骨節珊珊然羅襦玉佩凌風煙

新豐有酒寶盃泉不須一斗沽十千履升鴛行鳳侶來聯

翩凝眸諱眎腹便便疑兄則益弟損年藏鬪決勝相回旋

允膚屠門得肉口垂涎班定遠侯喜欲顛怒貌抉石虹飲

允維擊城雙雞鼎沸大於拳歸謀諸婦攜

川嬌兒啼喚不少延澤詩示予風

尊前清潭垠堦詩一編橫山範水將雕鐫土照時以清風

騷以後柏梁篇花開夢管生戈鋌文章有神骨亦仙浮邗

之神洪崖肩宗海五經三雅區聖賢糟床一醉擁被眠爾

惟麴蘖起丹鉛珠斗作作月在天書升我步亦步靴無羶

用趙隱事

夜涼痛飲湖堤邊盪胸萬斛塵慮捐何時更著

驂騑鞭

秋雨吟

前七月秋容累日夜皎發溪潭星數椽幸存無恙往

訪郭氏子師事友事質質然劇飲為快信宿久之比來刻中雨散星流伊人渺矣忽不自禁情見乎辭謹賦詩五章彙成百韻繫之以某某古人側書字不諱

訪郭履升

鷺石凌煙渚鷗沙近水濱里闔吾自適肝膽共誰真壁合  
星知夜秋高月傍人罷歸馮煖缺書就葛洪薪拜母烹鮮  
久呼奚載酒頻菊英培晚節蘭藻拭浮塵宅羨張融卜輪  
一鳴集

卷之一

去

班范式親丁寧占後甲晤語象重申用晦栖黃鵠成章獻  
白麟章弦曾解珮菽粟但輸貧井汲明初志家肥感及鄰  
似君能孝養而我隔昏晨薄技慚雕楮終年類泛蕪盍簪  
緣許郭投漆尙雷陳學術籌經世涓埃問許身夢孤懸海  
嶽朋好契松筠一詠憐諮嫗叨陪屢作賓搗衣砧杵急搜  
篋綺羅新澡雪思窺鏡流風効折巾會填車馬巷相憶斗  
牛津

寄懷郭立三前輩疊前韻

憶向蓬萊閣松濤寂寞濱版圖分禹會巖壑見天真賀監  
浮家處莊濠得意人授衣將獻紵餐飯竟勞薪委巷驪歌

斷垂簾燕語頻

君著有燕子篇

濁醪凝石髓芳鏡辟風塵宿志町

畦化忘年道義親榻虛眠近午山峻頌維申

尙未舉子

瑤館烹

吳鱸經百狩魯麟成搏終屢變范冉未曾貧貨貝喧歸市

縑緗得比鄰故吾參鴈序清夢達鷄晨月淡栖巖桂颺寒

戰渚蘋雅懷猶暖雜雄辨自陳陳鼎鼐關何事綸竿問此

身世途懸露棧秋圃樹霜筠幾鬻康成婢誰憐處默賓荷

囊青簡在傾蓋白頭新許可傳詩窖重來澆酒巾也知家

食好長揖謝平津

贈郭大允廣再疊前韻

竹墅青霄上松隄白水濱十年時寄跡三徑憶全眞負郭

一鳴集

卷之一

七

偏無計思吳更有人引泉容煮茗樵梗待炊薪市隱傳梅

福山高近李頻鳴鐘聞再食

余每飯聞鐘聲

舞袖卷微塵夜雨琴

尊淡秋風枕簟親斧柯來坎坎衣帶仰申申鵲起憐金鹿

熊占兆石麟嬰與交最久胖也賀誰貧燕雀簷端志魚龍

海際鄰獻弓柔角幹攜劍淬霜晨鼎寶旋烹芋湖光欲薦

蘋步兵廚識阮投井轄畱陳鄙事爭敦我虛名悉絆身漲

高家破壁溪湛箭淨筠恐致敲門吏飄然入幕賓比子從

事獨歸我益翻新納瞻椿樹

余與允廣親皆老矣

班班壽幅巾一

航呼在汜雙槳渡前津

贈郭明經書升三壘前韻

風雨飄零後輕裝滯剡濱地偏驚候追天迥任吾真竹簡  
欺曹輩松膠臥聖人韋篋遺在屨汲黯積如薪獨鶴歸栖  
晚雙魚問訊頻橘村涵夕霽蘆岸洗秋塵滅竈炊還起連  
牀夢亦親歲均編甲子與余同庚宵永數庚申厲翼聯鴛鴦乘  
時集鳳麟水田徐供稅煙島許忘貧自問厄無當相沿德  
有鄰史才欽啖助君之大父有讀史蠡測仙侶契劉晨石篆疎黃葉  
溪聲動白蘋此生緣魯衛他日笑朱陳是秋有嫁女婚男之訂坎墮  
營三窟淹留愛一身壑雲疑擁桂軒月可書筠郭近桂壑自號筠軒  
馴馴更爲僕魚魚利用賓稻梁謀未拙弓冶業惟新學殖  
羣分隊儒修念佩巾嫣然於越女猶駐浣紗津

一鳴集

卷之一

六

至潢湖日郭宗海惠詩四疊前韻答之

鴈鶩歸天際蛟螭出漢濱我來尊酒夜風月自然真步履

鳴仙佩開軒立美人藥鐺供餌服藥尤海詩陶冶爲傳薪每問

春和否相攜尺牘頻吹竽疇更切墮甌自無塵枯梗言詞

寡叟葶寤寐親與吾族世姻有疑仍夏午何事向春申爾爾曾

驅犢吾吾或傍麟枕流孫楚淚囊澁阮孚貧水石思更宅

雲山欲買鄰余頻水中將徙宅歲華徵素履心緒度秋晨鳳轄虛

張網鳧舟陋倚蘋比年曾走越吾道豈圍陳余畱越中郭亦在陳久矣

白賁終無咎黃圖守此身啖螯諮謝尙雌霓拜王筠雨珮

徒憐我千觴累勸賓雉壇盟已結蟲砌韻惟新執簡遵前

軌停鞭理舊巾用酬青玉案爲報紫泥津  
未曾剡中著秋雨吟五章石城俞蘭逵次和五疊前韻奉

酬

象魏縈雙闕河源渡九濱拙謀仍退谷高臥許歸眞旅館  
能終歲秋霖憶故人鶴書翻聘幣鮫盾歛鵲薪鏡湛鬚眉  
可緘開硤礪頻沃洲尋定約天姥酒輕塵蕩落囊無物奔  
馳檄爲親墨莊虛擬陸詩教一傳申頤盼槽嘶馬動猷閣  
畫麟折腰疇事貴回首豈長貧酒盡呼提甕燈懸笑倚鄰  
饋金還暮夜鳴佩解崇晨憶乍煙凌桂於茲雪點蘋魚蝦  
分讎享蚌蛤計條陳僕御偏驕婦將軍自揖賓破柑驚敗  
一鳴集

卷之一

七

絮窺管肅青筠棹發兼乘興禪棲得淨身在大七寺東交情遺

恨晚敦學忝知新葦用黃牛草歌綠白鷺巾贈言吾未敢

風雨渺前津

俞蘭逵再和寄六疊前韻轉酬并畱別

鳳紙憑軒舉魚梁問渡濱俞在溪樹聲朋再錫遺佩德彌眞

墨綬臨安吏俞氏始臨安刺史書篋宛委人選腴歸禁纈旁燭暨

然薪欲報雙環在相需一介頻柘枝綠近里石城有柘枝占科第必驗

梅閣奈畱塵計日頌微縉瞻雲負事親善忘何處乙奢願

未曾申

魏闕聞鳴烏瑤池奏箏麟相經辭蔡澤仙骨起寒貧魏冀人

北蒙垂盼漢西用卜鄰

達自括嶺  
還過敝廬

臥游橫霧市羈旅朔風

塵蔗境偏姑蓼蓬心竊獻蹟詎煩治左癖猶自昧君陳悖

餌觀漁父龍泉拂雁賓故交仍郭爰同志厲吳筠白雪嘗

思邨青箱亦致身酒尊尋退食

每攜家曠  
到剡中

灰管叙更新莞

爾穰直印悠然僕射巾趨裝揮手去前路記天津

短至前二夜寄贈應卿媛八首

燕南市駿勒楊枝春雨帘青醉夢時鸚鵡一杯人似玉蘆

簾紙閣盡相思

摩天一瞬判雲泥楮葉無成守故栖蓑笠釣竿煙雨夜秋

深猶憶蟹團臍

一鳴集

卷之一

五

葭管灰飛屏酒肴神叢脈脈擲梧栢笈信符智燭王舒國一

線春痕在柳梢

短至前二夜宿王荆公廟夢成擲栢笈以  
一仰一俯卜之不然則否與卿媛約不果  
去

石瀾雲肩臥傲裘

自憐夔虻尙羈雷左餐右粥然燈夜每

飯思親已白頭

厲衣生兒燭照餘蓬頭詰屈數行書似誰家計憐鳩拙秋

月春風迫歲除

吳質愁深夢亦稀暮天雨雪鴈南飛蹇修笑有珠璫在可

否重來作嫁衣

先是吳在  
驚梅軒

曙色寒輕翡翠鈞義輪杲杲露華收蓬萊有約航春水喚

起盧敖汗漫游鄉媛有蓬萊鑑湖之行又云將聘盧若虹

石交王瑀敬超先一酌梅軒可二年種秫種秔歸便得春

溪破屋白鷗天當對紫雲白鷗

鷺石臨秋水鷗村宿暮煙相逢鄰叟處我亦解歸田

詔建故明兵部尚書武英殿大學士忠敏張公祠

玉燭調無極金甌定一匡致身嚴學守終古卜行藏嶽瀆

氤氳合嶂幪矩獲彰雙溪靈萃聚兩覓秀巍昂袞冕畱庭

訓公父太傅公有先幾病革命公服袞冕視之旂旗夢發祥太夫人生公時吳

一鳴集卷之一主

天勤報德吾道用陳常宿志甘貧窶傳經益就將城西家

甚邇硯北器誰量攝篆隨雙鹿停鞭牧五羊初授番禺知縣有政聲

聖恩昭黼黻臣節凜衣裳瓊閣遵封駁軒墀律否臧崇禎元年

擢刑科給事中劾罷楊所修等銓衡新鷺序履蹈正駕行漏板寰珠箔爐

煙繞笏囊愼微憑宰輔熙績念穹蒼密勿覃辰告欽茲晉

夕郎咎徵煩傲惕規樊異疎狂禁署爰司禮容臺直制剛

京師地震規樊政甚切遷太常少卿寢興危集麥區畫固

擢右僉都御史巡撫應天安慶十部流賊犯桐城公同寅援犄

苞桑燭照眸如電帷深鬢已霜一夕鬚髮頓白

角遣戍謹毫芒賊由宿松入潛山大湖公募土兵戍之狗盜盈豐屋鷄鳴兆

剝牀陣雲徐指示烽火悵唇亡梗化迷陶台江流垢板章

賊勢日熾公請於朝割安慶池州太平以史可法任之

運樞資武庫持鑑入文昌噴

聽涵金匱脂膏浚石塘緩征饒粟米羣庶供壺漿吠澮功

惟懋河渠志更祥建蘇州石塘及江陰漕渠戰多尋虎拜捷奏垆鷹揚

典午兵俱戢夷庚險預防拊循明組練揮使泊艤艍犬馬

情胡底熊羆力自強叩閭聞諫鼓飛檄奉牙璋雉堞陰霾

蔽魚麗落月涼妖氛彌震澤狡獪據韓莊豸繡薪偏積鷓

聞膽互嘗詆誣因墜屢謠詠計垂增碩果歸狂獄萋桐失

鳳岡御史蔣拱辰挾怨劾公趙讓右拱辰復以附會周延儒及螺山喪師事下獄關茸繩許遠

機務悶馮唐是亦畱悲恨其諸速禍殃亂階衝鬼蜮華渚

咏鶯鶴潰潰擠和璧喁喁乞召棠公在獄時蘇民爭詣闕乞貸霽威仍

一鳴集 卷之一

賜廩啣命屢承筐軫駟雷輜急參旗露布張鞞韋圍薊野

鋒鏑下赦倉戀闕頻回首呼嵩覺斷腸帝念洽河功俾出獄召對十七年二月

月馳赴浙江督練兵餉行十日都城陷帝亦自經曳輪運勺鹵蒙袂穀林區俯仰

寧滋愧涓埃莫可忘信孚諳厲卒仁至切從王伏驢驚嘶

樞牽牛緬服箱濤翻淪健鶻日暮唳寒螿七鬯辭吳會球

圖獻禹杭南都失守路玉監國於杭州尋出降屯邈能萬死義勇起重傷幸

復驅龍御應教鸞鷲翔宦遊睽草閣警蹕瑣梅梁朝魯王於台州

卽請移駐紹興砥柱謀安堵譙樓筮復隍夏卿頒睿詔圻父頓戎

裝晉兵部尚書武英殿大學士督師江上拱手嗟何及登陣敢不覆矢窮閑

社稷籌唱窘餼糧陟屺勞慈母尸喪憶故鄉風塵疇秉鉞

海濛竟浮航

我朝順治三年方國安諸軍乏餉王走台州航海

桂楫逢精衛葵

表問魯陽猶咳歌激楚捍圍涕淋浪

公著循陔卓有台州扈駕詩

印綬

端非寵弓裘業未遑涕騰零羽翼憔悴感蕭稂玉鉉徒班

爵瑤池孰舉觴永渟憂菀結星隕夜微茫改步升壇玷還

師缺斧折歎猷銘竹簡瞬息鎮桃康罔暇收餘燼瞿然率

大綱筑聲呼變徵琴韻易清商願逐漣漪沒慚爲粉黛妝

扣梁虛視膳欵枕喚炊梁婺女猶躔緯彭成欲弔湘

公赴水時

太夫人年八十餘

夢魂初蕙芭陵阜寄松篁剖鯉憐親在騎鯨達

帝傍

盛時銷甲冑嘉樂奏笙簧甕牖瞻霞綺鈞天若雨暘

一鳴集

卷之一

重

舜戈麾壘壘

堯醴飲瀼瀼天适修彝教皋夔任贊襄蕩平韶舞協謳頌

珮音鏘

壽考綏祺福

宸謨戴喬皇惠鮮叨象魏膚敏列膠庠冊謚緣純篤旌庸

爲保障職勤更爽塏優恤重璆琅棟折旋都雅山高與頡

頤薦誠燔黍黑來格近蕉黃癸鼎分仙液申椒解佩纒尙

鐫栖止榭

公自榜其居曰止菴

會築遂初堂踏地蟠鼉負居民賀燕

忙匠斤開與窳義馭荷舒長闕閣連郛郭

絲淪沛井疆陋余耽比興前哲効趨蹌管豹空覩縷塗鴉

竊悚惶廣淵思儼若釁沐許交相報國縈心緒焚書恐面

會

牆斗杓懸湛灼河漢耿元良纘粟函貽美榮施璧映光

祖母盧係公甥女今傳有玉界尺古硯云得之公家忠貞知龜勉藻繪著輝煌偃伯

里風

治馨香

贈內 余娶徐氏城北隅

城北徐公女前身周澤妻十年共貧賤風雨鳴晨鷄婦道

尚中饋抱甕臨清溪蕤兒解句讀吾近窺端倪阿芹甫就

食時亦舉手攜四方丈夫志馳驟驛驛蹄何當効割肉使

汝慎蒸梨

一鳴集

卷之一

五

應娜嬛命余北上畱不果兼惠手書有感寄酬

秣馬鳴鷄夢日邊鯤鵬羊角已摩天茅茨半壑兼梅雨賦

滄逢人問秣田金凜傲裘披五月水涼重席壽三年 余畱剡三

載別來因頓酬知已燕趙相思更翠然

娜嬛應大枉餞行兼惠贖儀次韻奉酬

黃泥雪作鴻爪畱丈夫未曉空囊愁齊膝鄒魯宛如昨 余自

已酉抵京師今已四年雲飛海立天悠悠蘭橈一艇四千里風檣語

燕沙鳴鷗我來剡溪壯顏色定遠可俟卓可馘杏花春雨

夢江南直向江南抵江北娜嬛祖餞感意氣面辛鏡金日

歸得脂車秣馬搏風塵蓬萊瀛渚波鱗鱗斷鼈十五抃且

舞拜手稽首

帝聖神球圖琬琰在兩序于身見之皆王臣近日冰堅已  
供渡裘佩瓊然聲載路惟天席地旁無人不被而靴步亦

步驂驅蹄疾珊瑚鞭驤首一鳴聞二韻

楊州夜泊

城闔畫舸夜帆收廿四橋邊月一勾種得故園梅幾樹前  
身不必在揚州

李莘湖夫子評云瀟  
麗之至韻餘簡外

管仲三歸臺

螺黛煙鬟柳幾枝霸圖灰燼惜春時憶從甯戚縣書後少

婦偏知白水詩

李莘湖夫子云  
逸致不減唐人

一鳴集

卷之一

五

下韓莊閘

石梁懸縷白波平五月南歸紀水程風雨欲來蘭槳急綠

槐一樹聽蟬聲

贈新安孫逸泉

孟門太行雪灑灑崔張睥睨攢峯倒孫君一嘯萬仞岡鷹

隣鵠立雲環抱江南離恨不明言徒使狂歌托勁草枕流

漱石披荷衣壯心逐盡秋風老更將斗酒時酣呼屠門大

嚼眠黃鑪驕驕汗血秦牙死千金未買蓬廬士我家亦在

瀛洲濱松濤怒發波鱗鱗贈言竟作繞朝策使君莫謂虛

無人

戴東瞻云尾語  
想是作詩之旨

泊宿遷截句

黃河一艇泛星楂夜泊江南賣酒家千里夢回春雨後故  
山已放碧桃花。

欽旌節孝張氏詩氏鄆人歸於  
鄆自有傳

聞望刑三世張氏世  
有令德槎湖字十年及笄循內則嘉耦式餘

妍緩急資頤養晨昏泣涕漣氏幼失恃  
事父維謹婉從扶病起嚴侍

束身前井竈頻顛蹶庭闈輒愛憐葶藶思廩廩箕帚職翻

翩奠鴈來人瑞詩鄭  
弗人鳴鸞得婦賢瓜心呼枕蓐柿葉映丹

鉛佐讀雙環珮懷清一鏡懸血痕殷夜雨弗人  
咯血心緒繫孤

煙患難膺蜂螫憂勞象蟻旋弗人父中飛  
語律走久之尋奴煩道阻藥

一鳴集 卷之一 庚

婢撥爐然月暗狐重拜雲橫鶴已仙荷薪嗟髻髮遺一  
子彈

指攬離絃誓近陶潛墓空留鄭樸田螢光低宿草鵬臆感

遺編麥飯孟誰任蘭膏夜未眠舅姑尋否塞婚嫁歷屯遭

弗人弟姊妹  
良為之婚嫁燕縷關春社鸞簫韻碧天短車曾挽鹿靈蛻

祇寒蟬箔捲垂銀蒜囊空解翠鈿思萱勤視寢畫荻計陶

甄娣姒恩逾浹淡鄉鄰戴益堅雪融梅骨瘦霜隕菊英鮮事

養悲難盡馳驅禍再延氏韓父  
兄之喪著簪猶恤緯蕙帳忽沉綿

白璧爭醕若青箱力勉旃銘旌貽

寵錫楮墨彙雕鐫鄭節婦詩已  
有二卷行世網撒凌鳧舄翰飛集鳳肩  
餘風聞繹啟令則任郵傳碣石凝溪潁琳腴捧日邊鷓鴣

吟已矣燕趙有歸鞭余時在都城方計南旋○讀諸作天  
才溢發緒密思清風格在陳鹿皮吳  
深曩之間窺豹一斑足使發華增色癸  
丑三月朔日同郡戴東瞻書於京邸

南旋宿鷺梅館癸丑

江淮夜月一帆開慣見黃河天上來宿夢自疑飛鳥疾帷  
燈依舊向鷺梅

借應娜嬛盧霽堂暨潘生良敏訪張運谷於愛吾廬

分韻得冬字

煙渚沙痕鷓鴣蹤應盧屐齒負登登荔垣草短春陰寂蘭  
曉花肥午睡濃蟻術益瞿風雨會鶯聲分隊水雲重琴尊  
別墅尋芳杜杵白知交辱采葑三歲與鷺梅侍講一軒高

一鳴集

卷之一

七

拱鄭司農獻忱綏轡謀諸野盟社橫戈鏞乃鋒蓬藿徑微  
傳退谷鷓鴣裘傲笑臨邛徐陵几席珊瑚架習郁池塘塊  
磊胸雪盡有時來鷓鴣山棲何處聽鳧鐘襟懷綠柳思張  
緒鼓吹雙柑憶戴詣飲羽急弦疑射虎趨庭修刺切登龍  
稻梁圃笠呼終晦杉檜溪村隔數峯駿阜欲鳴鞭後起鷄  
林無夢仗先容喬皇黼黻緣清廟彛訓圖書在瞽宗骨髓  
絕塵黃石隱

絲綸顛俊紫泥封

癸丑五月  
詔鄉會取士

思

燕百粵鑄籌專業海錯

林腴願佐養竹嶼月寒巢翡翠珠帷天曙鏡芙蓉自慚鳥  
瘦頻淹滯曾挹荀香許景從碧薜映堦環樹桂緇衣適館

憇然松太平日久吾親見已慣鯨吞堯舜鍾是日宴鄒

驚梅館余自都城歸重訪郭明經俾亭十月十有

秦淮鷁艇布帆開歸臥松溪掃碧苔一榻一燈吟舊雨馬

芻奴飯客重來

白雲招飲憶杯湖干進無心友事吳前吳香泉在鷺梅軒盡日杜門

魚鴈少幾緘書札待髡奴

亭泉秣馬繫霜躡風雨名山屬剡西張翰一杯新睡起榛

蕪剪處問蘭畦

歸家

暑夜乍歸舟清晨已秣馬慣作羈旅人乾坤一飄瓦修竹

一鳴集

卷之一

庚

環吾廬忽忽胡為者林人與帆天對

題趙香沙先生遺照

黼黻龔黃最縑緗漢魏遺史材分墨版臣夢近

丹墀鶴侶先春曉熊經待夜遲一緘秋浦贈名氏藉泉皮

春情三十首贈張運谷應娜嬛榛苓志美人也楚騷作蘭荃蕙茝相繼有

辭宋璟梅花又其變已余賦春情三十首蓬流梗斷未之能思以贈運谷娜嬛幸弗以處為遠志出

則小草也甲寅二月十有七日

春旂楊柳鳳城東金石仙墩奏碧空蓬島路回天際遠五

雲糺縵海瞰紅

珠庭水檻鏡芙蓉綽約花枝曉露濃有美一人春二月風

煙匝地馬如龍  
芹泥水碧燕雙雙  
一夜春歸玉女窗  
三五月明釵股細  
淺深更漏撥銀缸  
魚鱗鴛五冒蛛絲  
紅袖香塵玳瑁卮  
十雨五風春睡起  
炊梁一枕太平時  
河橋酒幔雨聲微  
羞澀金囊典筆衣  
宿夢但尋遺佩處  
故園魚鳥恐全非  
彤雲鱗次畫屏虛  
欲喚眞眞繪不如  
珠顆玉牙兒未曉  
笑誰錯寫弄塵書

一鳴集

卷之一

无

月春糧已秣駒  
城烏亂繞夕陽西  
鬪草無人柳線低  
燈炮一種塵夢斷  
小姑依舊住青谿  
杏雨紅樓近水涯  
仙姝十二數金釵  
品題藻鑑今何似  
聲款如蘭動輒佳  
雲腴雪乳夜光杯  
裘佩琤然拾翠來  
遮莫後時空嘆息  
落花冉冉點春苔  
餘霞欲散倚樓人  
蕙帶蓉裳一見眞  
侍婢賣珠深巷曲  
餘簾笥未全貧  
海碧天高夢五雲  
旌旗車馬日紛紛  
廚娘竈妾應無事  
管

得鱸煙宿麝薰  
蕙棹瑤草浣花村  
白石青溪夾巷門  
回首十年流水急  
羅襦纂組幾晨昏  
轆轤井汲竹陰寒  
煙雨鶯花啟石壇  
一券買奴偏未許  
倚門有語勸加餐  
波盡日白鷗閒  
冰雪瓊姿翡翠鈿  
已將蠶織問餘年  
雉嬌蝶怨終何事  
海嶠樊桐有謫仙

湖西垂柳繫蘭橈  
魚婢盤旋燕語嬌  
春水一航尊盡後  
碧一鳴集

卷之一

早

天何處贈瓊瑤  
風雨鷗村訂故交  
似誰結習尙饒饒  
咄嗟記得王珪母  
簾幙知人具酒肴  
蓬瀛水碧亂松濤  
月馭雲駟下九臬  
雞犬欲仙丹竈冷  
邴堪身世一鴻毛  
樵蘇困頓屢屢歌  
鸚鵡杯離餉白螺  
尙有飯粘營一飽  
卿猶富貴更如何  
春城絃管鬪繁華  
松籟泉磬第幾家  
聽徹漏壺誰共處  
夜闌猶夢紫薇花  
機杼煙納淚一行  
雙珠紉綴鬱金裳  
困人日暮腰支倦  
碧

草如茵數白羊

蘇東坡詩 風雨交思我何

桑柘村前布穀聲寒煙一縷近清明鄉關慎弗忘歸計刀

尺裁衣昨夜成

蘇東坡詩 風雨交思我何

池塘莎草一痕青風雨無端共晦暝悵遠別離環珮急蕉

窗欲寫鳳皇銘

蘇東坡詩 風雨交思我何

松桂聲寒五夜燈渡頭石骨搗溪藤也憐快嚼屠門肉燕

領封侯事未曾

蘇東坡詩 風雨交思我何

苜蓿田田范蠡舟湖光一碧夕陽收浣紗人去空相訪幾

度春歸十二樓

蘇東坡詩 風雨交思我何

雲橫蕙帳翠微岑白石蒼苔鶴在陰山外有山泉更濁未

一鳴集

卷之

三

須一笑買千金

蘇東坡詩 風雨交思我何

煙村黔突畝東南薄暮輕提采藥籃豆重榆莫無恙否黃

鸝一樹剖雙柑

蘇東坡詩 風雨交思我何

檀板珠喉昔昔鹽近來檢束倍精嚴煙花夢斷心如水戲

語曾教謝一緜

蘇東坡詩 風雨交思我何

珊瑚鞭策語誦誦舞袂翩然尙鼓篋溪渚有家歸思切三

年一瞬重題面

蘇東坡詩 風雨交思我何

○ 秋日懷趙苴畦

時趙在峯別墅

海燕行將盡逴鴻竟未多不堪清夢遠偏憶故人過水際

仍蘆荻秋聲抵薜蘿北窗風雨夜涼思近如何

達摩隻履圖

熊耳一山逝達摩西天雲起泛海波九年面壁少林寺惹  
嶺忽逢魏使過羅漢眾渡獼猴池翩翩隻履今如何慈航  
寶筏不可得傳燈祇授老袈裟

春情志感圖題贈韋大

歲甲寅二月韋病痿母氏未及改葬乃言曰吾遂病頓若

思餘事

先慈宅北何復強起見庭井枯榮凄然感泣尋愈圖以志事賦二寸韻貽之

蕙晚依城郭萱庭賦澗槃寤懷知聖善明發志謀安夢草  
榮池碧春暉泣露乾寢朋睽笑語膺膂厯艱難養性懸魚  
肆盟書問雉壇午窗曾臥疾行旅欲如餐口澤憐餘餒形  
骸計闔棺榛原周訪筮木餌葛洪丹偃起翹瞻發崇封凜  
一鳴集

卷之一

三

畫鏝月軒梅骨瘦煙縷柳枝寒擊掌呼奚酒重局卻婢九  
叩船隨夏統籌齒變成搏乙鼎然松液寅年蔣藥欄有家  
尋郭杜爲學異申韓穀伯豐梁肉絲人照綺紈拾簪歸儉  
攝介雨對彌漫尙憶慈烏痛誰承夜鯉歡約言居北谷憂  
思繪毫端徙宅隣相比聞壺漏未殘天涯能寓我榮悴許  
頻看

酬王復旦原韻卽訂赤城之遊

舟車吾已慣臥憶名山川男兒事派矢適意知何年王君  
舊爲侶相訂時纏綿天台三萬入千丈風雲環匝天茫然  
裹以糗糧吸沆瀣塵胸渣滓吾將涓日鞠鞠兮出海

華頂有日

觀星作作兮捫天四明雁宕近咫尺布帆隱約濤飛船鳴  
禽谷口遊魚水邊琳琅金薤垂百萬篇夢遊天姥如來謫  
仙瞬韶華於石火憑履舄之汀煙赤松黃石未之識與君

默繪秋毫巔

憶芹獻

有親已白髮有子旋依依再索得芹獻欲悴貌不肥吾翁  
笑且語相鬪爲蟲飛晨昏隔音問憶汝思庭闈

趙果堂六句志慶

海曙彤雲日馭高蓬萊隱隱聽松濤洒然壽世緣平格酌  
取天漿麟鳳槽

一鳴集

卷之一

三

松篁一徑起煙霞可有淵源紀漢沙

豫祖母出忠  
藻公門下

鳩杖鯉

庭今四葉春山幾度放梅花

雪乳春融映玳筵輕裘夏玉佩珊珊芝庭已長科名草鷺

序鷗盟十五年

歲己亥余與果堂伯子  
同爰知雲楣彭冢宰

簾旌綺席一尊開人瑞恬熙取次來

果堂父漢槎大人年  
八十餘伯兄壘圓六

十胡杲鄭張重會否晨昏我亦計南陔

豫家君七  
十又三

哭芹獻兒

芹死纔六歲時  
乙卯二月八日

吾見芹兒生吾夢芹兒死以吾親白頭復使哀吾子金盤

春二月音問隔溪溪頻年奔走勞貽誤乃至此嗟汝未有

知拭淚悲還止恩仇已了然吾學澹臺氏

首夏十有一日示蕤獻兒

燕翼思貽穀，雛兒令負薪。學應遵蟻術，功亦在雞晨。誨汝  
觀摩切，知余醉夢頻。克終端厥始，慎勿誤金銀。

書宋勅都土地祠畫屏

藻繪溥雲液，村煙藹日華。琳瑯金薤葉，雨露碧桃花。望歲  
魚魚夢，知時燕燕斜。

盛時千載一綿蕤已成家

吠畝依桑柘，溪汀藝蕙荃。曉風臺笠聚，甘雨桔槔懸。緩急  
敦嫻睦，謳思識靜便。日長餐飯畢，庭院紀花磚。

杼柚明河漢，姚蕙譜石槽。篠簜懸艾火，蘭藉薦溪毛。日午

一鳴集

卷之一

五

雞豚散雲橫，雁鷺高蓬萊。天尺五，歌管奏仙皞。

石馬奔遺蹟，金魚憶舊時。有年歸臘社，無逸頌幽詩。雪乳  
明松耐，風謠驗竹枝。溯源南渡後，盥洗拜叢祠。

歲乙卯春寓金盤，得應蘅香雜詩，抵秋未和，因叙懷

八章寄贈

就夜摩丹訣，空山詰皓華。養生仍蠹簡，知我自鷗沙。地給  
連城璧，春環下澤車。向禽遊五嶽，事已渺天涯。

冉冉遲春日，亭亭憶故交。露華凝桂醕，山果雜蘭肴。覆載  
能藏拙，文章類解嘲。牀頭曾有易，爲筮觀初爻。

按河洛數  
今在觀

藻繪春溪碧，松濤夜雨寒。叩心從檢攝，傳世盡艱難。物色

嗟麟角釐毫笑鼠肝每懷音問隔高枕臥金盤

夜月關河夢扁舟葦荻人似誰勞雨雪而我倦風塵鶴口  
分餘粒熊兒計負薪也麟皇甫湜快錄有時瞑

枕席三年壽帷燈五夜心淪泉茶竈熟纖月荔垣陰未羨  
侏儒飽偏增蟋蟀吟風騷詩社散寥落慰高岑

月沼芙蓉水霜林橘柚枝憶君徵以夢相見定何時勤學  
勞荀况知音瀆項斯村醪風雨夜隱隱玉參差

石燕飛秋雨川霓縮夕陽竹筠棲蝶粉蘭蕊飽蜂糧事會  
淹濡久心期絡繹長華陔親齒暮明發治歸裝

禹會偕晨夕江聲捲浙東年華爭定力造物尙謙衷未雨  
一鳴集

卷之一

三五

家會徙他山石可攻曉秋天一柱浩蕩數飛鴻

蘇子卯廿二月七日示金盤同學并畱贈王復旦暨懷

心海派清

洗金則以鹽攻玉取諸石馨聞拜五經篤學兼晨夕吾婆  
桐簷高雨聲洒空碧春以三月糧一飯飽雞蹠金盤歲既

盡同志分蘭席茫茫古聖賢奈此星霜易男兒有鬚眉寢  
興自愛惜

宿烏傷四十里鋪

集唐

斷煙殘月共蒼蒼候館人稀夜正長可但步兵偏愛酒一  
樽曾不顧金囊

否鼎新河日除夜口占

霜柝更深夜未眠，敝裘耐可十餘年。歲除事事關心縷，一

翦懸鵲帖帖然。

寒車中

景州上下百餘里民饑甚死溝中少有瘞詩成冀司牧知之

馬首明殘雪，蝸廬斷暮煙。恤民無勝策，終故不逢年。醉飽  
驕何事，飢寒命或然。問渠揜一死，帷蓋有誰憐。

徐州道中

秣馬馳先路，鳴鷄擅好音。日華開朕蕩，河氣混浮沉。似讀

循良傳，誰存希幸心。春風持贈我，堤柳已黃金。

泗水橋

在兗州府城外

一鳴集

卷之一

美

掘堞風寒地，軸飄有車繹。繹馬蕭蕭問，鄒問魯知何處。兩

岸碑鐫泗水橋

李莘湖夫子云砥此便足移之他處不得

林訊臨城驛

霜柝更嚴憶，昨宵蒼涼月色。馬蹏遙一鞭，垂柳臨城驛。檀

板金尊駐石橋

九月一日有懷

菱塘歲已秋，元季立家室。叢祠在溪澗，賽社當今日。肥鮮

壺酒香，洽此歡膠漆。終歲田間苦，得此暫暇逸。耆老則言

慈童穉，競聚粟獨有未字。入蕙心而紈質，天宇悠然長會

否鳥飛疾，鄉書可郵致。問訊九月吉。

九月三日

白橋經歲時青松計壽文我與我舟旋馬齒益加長虛生  
亦何爲游子缺事養畱滯禁垣東終年勞寤想不如里園  
林父老共來往南湖煙水深日暮秋泉響

舟次徐州有懷王掄奎暨律時

河聲南渡憶公侯裘馬三年尙未酬同志不須憐故我一

帆風雨在徐州

歲旦作

雨雪兼晨夜溪山憶歲華宿糧尋蕙畝清讌藉梅花磨蟻

勞無益達鴻願尙賒餉春誰著作兒女聽牙牙

一鳴集 卷之一 七

寄同年趙藍畦四首

春溪樹柳是何年脈脈遙情問碧天風雨一尊吾畏友黃

鸞啼處不曾傳

羊裘玉佩骨珊珊門第畱賓春正寒怪道近來彈劍缺前

程未許學邯鄲

君得二男吾一子白頭親在共瞻依此身無忝還相憶不

計謀生事事非

有家終日住蓬瀛謾謾松聲亂水聲鞭策十年君記否春

風依約馬蹄輕

秋夜寄贈時幹

李莘湖夫子云質直中別  
饒風韻惻然胸臆之言

於物亦驚人韋絃有緩急錚錚欲鳴者因之克樹立晚秋  
夜未眠霜重寒更入都城尙交游乍見下車揖弗復厄黃  
楊吾將問白及盛西齋詩以詰之

帝鄉盧以建不赴秋闈詩以詰之

淹拙吾生慣雲山拱寤思夜歸金薤葉秋晚石栴枝射雉

終譽命連雞尙守雌美人霜鏡曉盥櫛更何時

秋夜方治泉畱酌同徐視香碧筒飲

治泉宦于滇攜歸鸚鵡二並蒂

本蓮

溪聲几席間涼月忽東上滇南鸚鵡來藕花亦殊狀於時

碧筒飲星河在抵掌主賓醉不知後時疇夢想

一鳴集

卷之一

三

七月二十有七日志感

小鏡湖小築近百年家近溪今秋穀未登盡爲水沒因賦

以志

溪漲東南來夾流動地軸風雨夜瀰漫呼聲漏天宿舞蛟

沙石崩千尋拔大木乍緣鳴不平何事怒偏蓄老稚涕泗

下恐葬江魚腹計畝隨洪波秋登歲不熟禾頭悉生耳漂

泊已無菽水平積泛梗慘然入心目

帝澤自滂沛敢向窮途哭尊前快沽酒移家近山麓

蘇文忠公蜜酒歌有云先生年來窮到骨問人乞米

何曾得渭南伯排悶詩有云年豐米賤身獨飢今

朝有米無薪炊讀竟并以自遣

春酒雞豚飽未諳一溪流水對晴嵐  
蘇蘇乞糴何曾得又奈無薪陸渭南

初至安溪蔣

出雲山欲雨白石溪流清一叢蔣詔竹  
春鳥枝間鳴

蔣家十景

琵琶鼓

土囊聽瑟聲珠柱彈琴曲琵琶自悄然  
白雲在空谷

十二山

媧皇斷巨鼇碧海渺何處參差十二山  
石徑誰來去

洲義堰

一鳴集

卷之一

美

汨汨溪泉鳴稻梁藉灌溉農自祝豚蹄  
不知有疆界

橋南渡

垂楊近板橋晨夕爭先路有時溪漲來  
一楫扁舟渡

蜘蛛坪

天晴捲暮雲日照松楸影一坪祇塊然  
許問蜘蛛隱

金鈞山

垂虹下定溪向晚雲煙霽一挽曲如鈞  
茫然對山勢

鮎船灣

春畦鱗次間凝然得土阜呼作萊黃鮎  
其長橫一畝

金臺盤

春... 未... 一... 錢... 水... 樓... 部... 風... 濤... 瀟... 瀟... 子... 蘇... 何... 曾... 得... 又

不屑鑄黃金盤桓近尺咫蔣詡竹儵儵羊求隱君子

蔣園

秋園南宋初種樹山之下又遇定溪來爐煙薰蘭麝

銀高墩

梁州白者銀厥貢偕璆鐵神物護高墩夜氣誰相識

蔣母韋氏節孝

藁砧望斷孤鸞泣遺雛在抱未成立節孝誰齊蔣母賢閱  
六十年如一日養姑如子教如父茹荼餐蕞持門戶深望  
猶子守楹書觜爪雖疲不言苦有石有石百尺長山神儲  
以題幽光有溪有溪清徹底蔣母之心如此水

一鳴集

卷之一

四

臥古松下

天宇白雲飛幽人自空谷長歌枕石眠笑指松生腹

憶方巖舊游

時借應  
娜嬛

麗州楓葉丹一徑梯危石秋山遠復邇歧路共行役宣和  
胡侍郎經濟在疇昔巖扃聞讀書風雨莓苔席吾友從剡  
來再宿數晨夕茫茫五嶽游勿滯蝸涎跡

秋夜憶天台舊游兼懷桂覺君倪忠業余萬篋萬箋

昆玉

雲壑松濤起秋聲去鷓鴣催太虛涵萬象清夜荷三能樹杪  
蒼煙合峯巒皓月來玉津遙可渡蓬徑僻誰開敢効陳搏

睡頻忘庾信哀舊游憐采藥勝事擬登臺天台第一景有瓊臺夜月石

篆添犀液爐香挹麝煤習池尊未盡蕭寺衲初裁去秋游國清華

頂諸席有璠璣器場無檣櫟材賞音融北鄙陳義補南陔

劍佩時相憶輪蹄夢已回尙吟孫綽賦餘恨自天台

志感

事已飄零甚溪沙一馬田春衣歸典質夜雨聽愁眠舊好

時存問嬌兒竊愛憐牀頭搔短髮清夢抵幽燕

蟠谷二首

宋嘉定癸酉朱子訪呂定夫於清潭磨崖大書蟠谷二字今尙存

石瘦雲橫嘉定書森然下拜寫凌虛雪泥每踐羈窮約于

櫓相依考訂餘帝子斷鼇浮海嶠仙人歌鳳上巨廬黃鐘

一鳴集

卷之一

四

瓦缶爭鳴日未許江潭效卜居

鵝湖鹿洞一痕秋故國山川尙臥游雲定石根韋偃樹月

涼溪許李膺舟幾年墨守垂青簡終古薪傳向白頭腸胃

近知清夜夢西江何事狎沙鷗李德裕夢西江濯腸胃石成篆籀

憶太平館招盧霽堂白石山有褚伯玉太平館適盧王主邢家最相得

白石春峨峨山蹊入町疇雨雪鴻飛來美人午睡懶三年

導先路一飲爵無算城東買杏花何時得緩緩方恨褚伯

玉尙畱太奉館器堪無對戀林費音蟻北獨刻義旂南

九月十有一日懷盧霽堂集李白句

知音不易得別後若覓之九月天氣清願言長相思一身



